

## **Universitätsbibliothek Paderborn**

**Commentarii Exegetici In Apocalypsim Ioannis Apostoli**

**Viegas, Brás**

**Parisiis, 1615**

Communis expositio de muliere sedende super bestiam coccineam  
commemoratur, & reiicitur. Sectio II.

**urn:nbn:de:hbz:466:1-39261**

Communis expositio de muliere sedende super bestiam coccineam  
commemoratur, & reicitur.

## SECTIO II.

I. **C**ommunis expositio huius mulieris, sive Babylonis nomine multitudinem impiorum accipiendam esse docet, eorumque hoc loco damnationem describi, eo quod Babylon sit confusio ciuitas, quae Meretrix magna appellatur, quod creaturam Deo præponere genus quoddam sit spiritualis fornicationis. Sedet super aquas multas, id est super populos multos, ut Angelus ipse interpretatur: quia multitudo impiorum ex omnibus gentibus conflatur. Sedet super bestiam coccineam, id est, super diabolum, qui impiorum multitudinem sustinet. Is bestie coccine similis dicitur propter sanctorum sanguinem, quem continuo per Tyrannos effudit. Plena est nominibus blasphemiarum, quia ubique gentium a reprobis nomen Dei blasphematur. Per capita septem omnes Reges impiorum, & idololatrum significantur. Per cornua decem omnia regnalia subiecta, uterque enim numerus universitatē continet. Mulier est circumdata purpura, & coccino ad signifi candam externam mundanarum rerum pulchritudinem, quia impiorum capiuntur: inaurata est auro, & lapide pretioso, & margaritis propter eiusmodi rerum affluentiam, quibus impiorum circunfluunt. Gerit in manu poculum aureum plenum abominatione, & immunditia, quia sub speciosa quadam pulchritudine mundanae felicitatis specie, & inanis voluptatis imagine omnis generis immunditiam, atque turpitudinem, tum quae ipsis peccatis, tum quae peccatorum miseriis & incōmodis, ipsiisque tandem apud inferos cruciatibus continetur, suis amatoribus propinat. Verum ne mulier tam pulchro, elegantique ornata incautos, insipiente, quicunque amatores in fraudem inducat, gerit in fronte scriptum nōmē, ex quo statim meretrix esse cognoscitur, *Babylon mater fornicationum, & abominationum terra*. Nam ipsum nomen Babylonis confusionem notat, meretricium autē officium turpitudinem mulieris declarat. Pánonus existimat ipsum etiā nōmē, *Mysterium*, in fronte scriptū fuisse, quia nimirum opera Babylonis quibusdā sunt in fronte, quibusdā autē in mysterio: simplicibus enim mysterium sunt, quia occulta sunt eis ea, quae à reprobis efficiuntur, latēque eos mundane felicitatis incōstantia, & fallacitas, at sapientibus in fronte sunt, quia cōspicua, & manifesta. Alij nomine mysterij illud indicari arbitrātur, quod à reprobis multa efficiātur per hypocrisim, quae mysterium cōtinent: quoniā arcā quodā, ac secreto artificio virtutem simulent nihil minus, quam eam adamantes. Vnde merito in fronte hypocritarum mysterium scriptum est: quia in omnibus eorum actionibus mysterium latet, id est, subdolum, & occultum honoris adipiscendi studium. Alij sic. Gerit mulier titulum mali operis in fronte, quia reprobū de malis, quae agunt gloriātur, iuxta illud Psal. 51. *Quid gloriaris in malitia, qui potens ē iniquitate?* & Elai. 3. *Quasi Sodoma prædauerant peccatum suum.* Ebria est de sanguine Sanctorum, & de sanguine Martyrum Iesu propter infinitam vim sanguinis Martyrum, quam Tyranni effuderunt.

II. **A**ngeli interpretatio huiusmodi est. *Bestia*, inquit, *quam vidisti, fuit, & non est.* Quoniā bestia, super quam mulier sedet, Diabolus ipse est, qui dicitur fuisse, & non esse: quoniā ante aduentum Christi dominabatur in mundo, cum ei toto orbe tempora, atque erigerentur: at post aduentum Christi de mundo per passionem eius exterritus fuit, quemadmodum Christus ipse propulerat Ioan. 12. *Princeps huius mundi vicietur foras.* Et ascensura est de abysso, & in infernum ibit. Quoniā

*Impiorum  
multitudo,  
gloria, &  
damnatio.*

*Nomen my-  
sterium ex-  
pliatur,  
Panonus.*

*Psal. 11. 3.  
Elai. 3. 9.*

*Angelis in-  
terpretatio  
de bestia.  
Ioan. 12. 31.*

Quoniam iterum Antichristi tempore regnabit, sed tandem in interitum ibit, quia post mortem Antichristi regnum eius omnino dissipabitur. Septem capitales montes sunt, super quos mulier sedet, & reges septem sunt. Hic interpretes aiunt septem montes, septem montes, septem Reges vniuersum esse reproborum principatum & multitudinem, quae ex Regibus, ac Principibus, subiectisque populis coalescit, & ut ait Richardus, per septem status ab initio deflexit. Primus status fuit ab Adam usque ad Noe. Secundus ab Noe usque ad Abraham. Tertius ab Abraham usque ad Moysen. Quartus ab Moysi usque ad Dauidem. Quintus ab Dauidem usque ad Christum. Sextus ab Christo usque ad Antichristum. Septimus sub Antichristo usque ad finem mundi. Itaque per septem Reges omnes Reges horum statuum intelliguntur. Iuxta quam expositionem sequitur: *Quinque ceciderunt, unus est, & alius nondum venit, cum venerit, operet illum brevetem manere:* quia quinque ex precedentibus septem statibus ante audentum Christi, & ante tempus huius visionis iam transierant: unus nunc est, qui a Christo usque ad Antichristum decurrit: septimus, qui erit tempore Antichristi, nondum venit: sed cum venerit, non multum durabit, quia tribus tantum annis cum dimidio circumscribetur. Bestia, quae erat, & non est, & ipsa Octaua est, & de septem est. Daemon ipse ab his auctoribus accipitur. De septem est, quia similiter peccat: sed tamen octaua est, quia omnes malitia, astutiaque longè superat. Ad nihil enim, inquit Haymo, appellavit, octaua, quae septima erit, nisi ut ostenderet, quod septies amplius tunc dominabitur Antichristus, quam reliqui omnes superiores Tyranni, qui Ecclesiastis temporibus fuerunt persecuti. *Decem ruma, que vidisti, decem reges sunt.* Est sermo, ut vult Richardus, de decem illis Regibus toties commemoratis, in quos Antichristi tempore Romanum imprium diuisum erit: qui cum Agno pugnabunt, quia fidem Christi extinguere conatur: sed ab Agno tamen vincentur. *Hic odient fornicariam, & desolatam facient illam.* Odisse hoc loco aiunt communite: interpretes illud significare, quod praedicti Reges souedo, & adiuando impiorum multitudinem aduersus Christum eam semper in infernum cruciatibus obnoxiam facient, quod maximum sane odium censerter debet.

Haec est communis huius visionis exppositio, in qua multa sunt, ad quae visio IIII.  
quasi invita, & repugnans trahitur. Primum, quia Ioannes non ita generatim de impiorum multitudine sub istius mulieris, sive Babylonis typo loqui videtur, *Cur non probatur communi expatio,* cum eam peculiaribus quibusdam signis, notisque distinguat, ut ex hoc ipso cap. 17. & sequenti 18. manifestum est: appellatur enim *Babylon illa magna, ciuitas illa prima ratio, fortis.* Fit etiam mentio septem montium, ut certam aliquam urbem videatur Angelus designare voluisse. Id quod non obscurè significavit Angelus ille, qui mulieris mysterium Ioanni explicavit: sic enim suam de muliere exppositionem conclusit: *Mulier, quam vidisti, est ciuitas magna, que habet regnum super Reges terre.* Deinde, quoniam huius mulieris, sive Babylonis euangelio praedicatur cap. 18. futura extremis temporibus ante ipsum mundi finem: siquidem fidelibus dicitur: *tunc.* *Exire de illa populus meus, ut ne participes sitis deliciarum eis, & deplagis eis non accipias:* Apoc. 18.44 *piatis: & de mercatoribus, qui in ea negotiari solebant, adiungitur: Mercatores ab elongè stabunt propter timorem tormentorum eius flentes, ac lugentes: quod necesse est ad extrema tempora ante ipsum mundi finem, extremumque iudicium referre.* Cum igitur multitudine impiorum cessare non debeat ante ipsum iudicij diem, quomodo in illam quadrare potest hæc, quæ a Ioanne praedicatur, Babylonis euangelio? Accedit, quod si mulier hæc, sive Babylon estet vniuersa multitudine impiorum, non posset ab illa recederet negotiatores, mercatorésque ciuius urbis, cum & ipsi quoque in ipsa multitudine impiorum comprehendantur. Porro illud, *Postremo,*

quod decem Reges debeant odire forniciariam, cāmique desolatam facere, quāmodō quāfō cum ista expositione cohāret? Enim vero quā fieri potest, vt decem illi Reges impīissimi odio habere debeant ipsam multitudinem impiorum, cum ipsi, vt facentur huius expositionis auctōres, sint p̄cipua impiorum partē. Nam quod de spirituali illo odio dicitur, quatenus eam fouendo, & adiuuando addicant cruciatis semper tēris, alienum planē est, & extortum. Itaque facile est coniūcere aliam quamdam accipendam esse forniciariam, aliāmque Babylonem odio habendam ab illis decem Regibus, ab iūsque funditū excidendam, de qua iam sectione sequenti aggredimur disputare.

Reiecta superiori sententia de muliere sedente super bestiam  
coccineā, vera, & germana statuitur.

### S E C T I O III.

I. **V**T facile quiuis ex superioribus intelliget, ea p̄fectō expositio, quam cō-  
muniter in hunc locum interpretes afferunt, & nos p̄ paulo ante commemo-  
rauimus, inuitum ad se, ac repugnantem Ioannem pertrahit: quāc aliam ex cogi-  
tare impellimur, quā contextui conguentior appareat. Igitur cum hāc mulier  
proprium nomen in fronte scriptum p̄ferat, Babylonē mater fornicationum, viden-  
dum de quānam Babylonē sermo sit: Babylonē enim aliquam mysticā acci-  
piendam esse demonstrat vox illa M̄ysterium, quod indicat sub Babylonis nomine  
mysterium aliquid occultari. Quare existimamus nomine Babylonis Romanā  
vrbem significari in hoc Apocalypsis opere, vbi toties Babylon nominatur. Nam  
quod Roma Babylonis nomine censeatur, perspicuum est ex 1. Pet. vlt. salutari  
1. Pet. f. 13. Ecclesia, que est in Babylonē electa (sic enim legere possumus, cū sit Gr̄cē οὐεχεκτή)  
Quo loco sub typō Babylonis Romanā significatam esse docent Tertul. lib. adser-  
fus Iudeos, c. de Natiuitate, Euseb. Cæsar. lib. 1. Eccl. hist. c. 15. Beda in eum locum,  
& D. Hier. in lib. de viris illustribus, in Marco. Imo hāc ipsum Babylonem, de  
Tertull.  
Euseb. Cæs.  
Beda.  
D. Hiero.  
Nomine Ba-  
bylonis Ro-  
mae.  
1. Pet. f. 13.  
Roma sub  
quo statu hic  
accipenda.

qua Ioannes hoc capite, alii que differit, Romanam vrbem interpretatur Tertul.  
loco citato, & D. Hier. in epist. ad Algiaſiam, q. 1. & fusē in epist. ad Marcellam, vt  
commigret Bethlehem. Lēge, inquit, Apocalypsim Ioannū, & quid de muliere purpu-  
rata, & scripta in eius fronte blasphemia, septem montibus, aqua multū, & Babylonū canteatur  
exitu, concurre: Exite, inquit Dominus, de illa populi mei, & ne participes sita delictorum  
eius: fugite de medio Babylonū. Cecidit enim Babylon magna, & facta est habitaio Demoniorū.  
Est quidem ibi sancta Ecclesia: sunt trophyæ Apostolorum, & Martyrum: est Christi vera con-  
fessio: est ab Apostolo prædicata fides, & Gentilitate calcata in sublime se quotidie erigens voca-  
bulum Christianum: sed ipsa ambitio, potentia, magnitudo vrbis, videre, & videri. & tantam  
frequentiam hominum saltē inuitum videre à proposito Monachorum, & quiete aliena sunt:  
Ex quibus verbis constat Hieron. de vrbē Romā hanc Apocalypsim Babylonem  
intellexisse. Caterūm nomen Babylonis non ad eam Romanā transferendum est,  
quā modo sub Romano Pontifice fidem Christi profitetur: sed ad eam, quā an-  
te quām reciperet fidem Christi, idolis seruiebat, & ad eam, quā erit tempore  
Antichristi, quām summo Pontifice Romano, atque adeo à fide defectorum  
Ioannes hoc capite, & sequenti commemorat.

II. Existimamus igitur cum Tertull. & D. Hieron. nomine Babylonis hoc Apo-  
calypsis opere, potissimumq; hoc capite, & sequenti, nomine exāmulieris for-  
nicariæ Romanam vrbem sub duplīci illo statu accipendam esse, eiūsque vrbis  
calamita-